

## ■ AGID A LA BASELGA EN MISERIA

# Il Mexico è en ina profunda crisa

**(cp) Nundumbravlas personas èn povras, las autoritads corruptas – il Mexico è en ina profunda crisa. La violenza, la criminalitad organisada, il traffic cun drogas – quai è il trist mintgadi en il Mexico. L'ovra umanitara Agid a la Baselgia en miseria è confruntada cun grondas sfidas.** Il Mexico tutga en sasez – pervi da sia cultura e pervi dal spagnol – tar ils stadis da l'America latina; facticamain è il pajais però situà en l'America dal nord. Al nord cunfinescha il Mexico cun l'USA ed al sid cun la Guatemala ed il Belize. Sia surfatscha mesira dus milliuns kilometers quadrat (tschuncanta giadas la Svizra!) e sia populaziun munta a 100 milliuns abitants, da quels èn 80% mestizs. Il Mexico posseda bleras ritgezzas natirals, però strusch terren fritgaivel. Plinavant crescha sia populaziun rasantamain. Ils abitants dal Mexico èn descendents da differents pievels indigens e da colonists europeics. Al sid datti vitgs abitads da descendents directs dals Aztecs. Lur reginavel han ils Spagnols conquistà avant

400 onns. Dal rest: 90% dals Mexican èn catolics.

### Bler paupradad sin la champagna ed in'conomia zuppada

La pitga la pli impurtanta per l'economia dal Mexico è l'ieli. Blers debits a l'exterior fatgs en il passà ed ina burocrazia scuflada ed ineffizienta surchargian però il pajais cun problems. La differenza tranter ils centurms industrials citadins e las regiuns ruralas è gronda. La consequenza è ina fugia da la champagna augmentada e la depauperisaziun da la populaziun che viva sin la champagna. En in tal cas vegn recurri a l'economia zuppada: milliuns da dischoccupads betg registrads gudognan lur paun da mintga di sco vendiders ambulants u sco purschiders da differents servetschs (nettegiachalers, musicists da via, portiers, guardias da notg, euv.). Uschia gudognan els in terz dal product naziunal brut – e na pajan nagina taglia... Il Mexico è oz en ina profunda crisa; al pajais smanatschan violenza, ina criminalitad organisada, la corrupziun ed il traffic cun drogas.



Questa fotografia spontana en connex cun la povradad discurra per sasezza: transport da l'ina dad arder sin la champagna.

FOTOS AGID A LA BASELGA EN MISERIA

### Ils projects multifars da l'Agid a la Baselgia en miseria

L'ovra umanitara catolica internaziunala Agid a la Baselgia en miseria s'engascha en il Mexico a moda fitg multifara. L'ovra realisescha gia dapi in detg temp differents projects en il pajais: ins ha finanzià novs tetgs per la baselgia e per la chasa-

pravenda da la pitschna vischnanca da Santiago Tacatepec; ils vegls aveva destrui in stemprà. Plinavant posseda il «Center d'agid per la dunna latinamericana CAM» a Mexico (citad) in nov minibus equipà cun in apparat ad ultrasuns e las soras missiunaras a Primada de Mexico han uss ina nova chaplutta.

Ultra da quai èn vegnids sustegnids finanziain passa 100 students e seminarists a Texcoco sco era novizas da differentas claustras en il Mexico. L'Agid a la Baselgia en miseria ha investì l'onni passà per quel intent passa 500 000 francs. Ma i dat anc bler da far – l'ovra dovra Voss sustegn!

## Donaziuns

Vus pudais far ina donaziun cun la remartga «Mexico» ad:  
Agid a la Baselgia en miseria  
Svizra/Principadi da Liechtenstein

Cysatstrasse 6, 6000 Lucerna 5,  
telefon 041 410 46 70;  
fax 041 410 31 70  
e-mail: mail@kirche-in-not.ch;  
internet: www.kirche-in-not.ch  
conto PC 60-17200-9; Credit Suisse, Lucerna, conto 0463-997.427-10-1



Missiunaras van er a chaval! Ellas èn «figlias da S. Pius X» da la diocesa Ciudad Obregon.



La vista en questa cuschna mussa che la gliעד è povra.